



Dragi građani, hodočasnici i vjernici,
kako bi zajednički omogućili da posjeta pape Franje Sarajevu, 06. juna 2015. godine bude dostojanstvena i sigurna, molimo za vašu saradnju i razumijevanje.

Molimo vas:

- blagovremeno dodite na trasu kretanja i mjesta posjete pape Franje, kako bi srdačno dočekali našeg visokog gosta:
 - zgrade Predsjedništva BiH (ulica Maršala Tita),
 - stadiona Koševo,
 - Katedrale Srca Isusova,
 - Franjevačkog međunarodnog studentskog centra (naselje Grbavica),
 - Nadbiskupijskog centra za mlade Ivan Pavao II (naselje Otoka),
- ne parkirajte vozila u zonama trase kretanja i objekata koje će posjetiti papa Franjo. Tačne trase privremene obustave saobraćaja, te zabrane zaustavljanja i parkiranja vozila bit će blagovremeno objavljene u medijima,
- zatvorite prozore i ne boravite na balkonima tokom prolaska kolone sa papom Franjom na trasi kretanja i na mjestima posjete,
- ne bacajte predmete na trasu kretanja i na mjesta zadržavanja (cvijeće i slično), kao način pozdravljanja papi Franju,
- ne koristite privatna vozila, već organizovani prijevoz za dolazak u Sarajevo,
- pridržavajte se uputa dobivenih od Crkvenog odbora za doček pape Franje, prilikom organizovanog dolaska u Sarajevo.

Pozivamo vas na saradnju sa policijom, te:

- obratite pažnju na nepoznate osobe koje se kreću u zonama stambenih objekata, uz trasu kretanja ili objekte posjete pape Franje. U slučaju uočavanja takvih osoba, molimo da odmah javite najbližem policijskom službeniku, ili pozovete 122 ili broj telefona 033/779-118, koji je posebno otvoren, vezano za ovu posjetu,
- odmah javite najbližem policijskom službeniku ili nazovite 122, ukoliko uočite sumnjive predmete, ostavljene bez nadzora,
- ne nosite oružje i druge predmete, pogodne za nanošenje ozljeda, te alkoholna pića.

Napominjemo da će:

- u zonama i objektima koji se nalaze na trasi kretanja ili uz objekte boravka pape Franje, biti pojačana prisutnost policijskih službenika, te im se možete obratiti za pomoć ili informacije,
- u objektima koji se nalaze uz trasu kretanja ili objekte boravka pape Franje, policijski službenici vršiti pojačanu kontrolu osoba koje ulaze u objekat, a posebno osoba koje tamo ne stanuju,
- policijski službenici na vozilima i ulaznim vratima zgrada koje se nalaze neposredno uz trasu kretanja pape Franje, ostavljati pisane obavijesti o uklanjanju vozila.

Unaprijed zahvaljujemo na saradnji i razumijevanju.

PODODBOR ZA SIGURNOST